



PvdA

Sosial, bèrdè i hustu.

E elekshon binidero akí abo ta disidí futuro di nos pais. Den provinsia, *waterschap* i Senado.

Un PvdA fuerte ta mas importante ku nunca. Pa stòp e komersialisashon eksesivo. Pa bo por paga kuenta di energia ku un suèldo normal. Pa konstruí kas pagabel pa un i tur. Pa un maneho di klima hustu i bèrdè. Kontra polushon di nos paisahe ku sentro di distribushon, kaminda ta abusá di migrantenan laboral. Pa energia bèrdè di kua siudadanonan lokal ta probechá. Pa awa ku bo por landa den dje i naturalesa saludabel. Nos ta lucha pa un mundu sosial, bèrdè i hustu. Vota PvdA dia 15 di mart.

Aki nos ta konta bo en breve kiko nos plan ta, ya asina bo sa presis kiko bo ta skohe p'e.

Bibienda

Un dak bon i pagabel riba bo kabes no ta garantisá mas. Nos ke pa aki ratu bo por kumpra òf hür un kas atrobe. Nos ta duna espasio na korporashon di bibienda. Nos ta enfoká riba konstrukshon di kas duradero, ku ta produsí tur energia ku e ta utilisá riba su mes (ku yudansa di, por ehèmpel, panelnan solar) i ku ta inkluí naturalesa. I nos ta kombatí e eksesonan riba merkado di bibienda. Nos plannan en breve:

- Tin muchu tiki kas pagabel na e momentu akí. P'esei nos ta konstruí mas:
 - o kas di hür sosial te ora tempu di espera ta 1 aña, por lo máksimo, den tur region;
 - o kas pa kumpra di por lo máksimo €250.000 i kas ku un hür máksimo di €1.000.
- Nos ta skohe pa bibienda duradero. Pues:
 - o Pa tur hende sufisiente espasio bèrdè den bisindario i e bibienda mester ta bon aksesibel ku transporte públiko i baiskel.
 - o Kasnan nobo mester ta bon isolá. Nos ta tene kuenta ku klima i naturalesa dor di utilisá materialnan di konstrukshon orgániko.
- Hendenan sin kas, migrantenan laboral i refugiadonan tambe tin mester di un alohamentu. Kada munisipio ta yuda hasi esaki un realidat i ta basta ku munisipionan ku no ta tuma responsabilidat, lagando otro munisipio solushoná e problema pa nan.

Trabou i ekonomia

Serka PvdA hende i planeta ta bin promé ku ganashi komersial. Prioridat mester bai pa trabou ku bo ke biba p'e i ku ta kubri bo gastunan, no pa trabou ku ta laga bo sobrebibí so. Nos ta skohe pa un ekonomia sosial, bèrdè i hustu. Nos plannan en breve:

- Bo mester por bai hasi e trabou di futuro ku mantenshon di salario. Pa e motibu ei nos ta invertí den, entre otro, re-edukashon di trahadó.
- Edukashon di fishi i mas hende den téknika, salubridat, enseñansa, polis i defensa ta mas importante.
- No mas sentronan di distribushon i sentronan di data. Asina nos paisahe ta keda bunita i e kantidat di migrantenan laboral abusá no ta subi.
- MBO i sektor privá mester tin mas lugá pa kore stazje i kupo di trabou pa tur studiante.
- Aksesu na dòkter, supermerkadu, bankomátiko, skol básiko i hospital tur kaminda.

Energia

Nos tin mester di invershon bèrdè. No solamente pa tene nos planeta habitabel i saludabel, pero tambe pa nos por paga kuenta di energia. Nos ta kombatí pobresa di energia i ta sòru pa produkshon di energia duradero. Nos plannan en breve:

- Nos ta konstruí mas tantu mulina di biontu i panel solar posibel;
- Por lo ménos 50% di e energia duraderamente produsí lo ta den poseshon lokal;
- Ku supsidio i normashon nos ta yega na kas bon isolá, ku gastu di energia mas abou.

Klima i naturalesa

Nos tin mester di mas espasio pa naturalesa si nos ke kombatí kambio di klima. Ganashi di kontaminadó grandi a okashoná na empobresimentu general. Nos plannan en breve:

- Nos ta planta mas palu den nos provinsia. Eseinan ta sòru pa habitabilidad i freskura den zomer i ta kapturá dióxido di karbon.
- Suficiente lugá pa kolektá áwaseru, ya asina nos por protehá nos mes kontra inundashon okashoná pa kambio di klima.
- Lo opservá kompania kontaminadó mas tantu i lo bai duna but mas haltu. Kitamentu di pèrmit ta un opshon serio pa nos, si kompanianan no ta baha nan kontaminashon.

Transporte públiko i baiskel

Baiskel i transporte públiko ta e medionan di transporte di mas importante pa PvdA. Pa hopi hende nan ta e úniko manera pa bai famia, dòkter, trabou òf skol. Nos ta enfoká riba konekshonnan di transporte públiko, kamindanan pa kore baiskel i rutanen pa kana mihó i pagabel. Nos plannan en breve:

- Nos ta invertí den un mihó transporte públiko, ya asina kada núkleo di siudat i pueblo ta bira òf keda aksesibel den dia, anochi i den wikènt.
- Nos ta invertí den kaminda pa kore baiskel mas seif i den mas garashi di baiskel serka di stashon. Lo ansha kaminda pa kore baiskel konkurí, òf lo konstruí un kaminda nobo den bisindario. Asina baiskel ta keda un eskoho saludabel, atraktivo i duradero.
- Salubridat di kalidat mester ta i keda aksesibel. Pues: ambulans mester por yega na tempu i dòkter di kas i hòspital mester ta aksesibel tur kaminda.
- Seguridat di tráfiiko ta di sumo importansia. Ta kombatí na promé lugá e sitionan ku e chèns di mas grandi riba aksidente di tráfiiko.